



何大復先生集卷之二十八
五言絕句七十首

兵書峽使集

空巖一卷書綠苔字應滅志決功不成千秋有餘烈

絡緯吟以下家集

絡緯催寒女悲吟入總幃秋風啼不斷相伴下鳴機

雨後十首

水漲孤村白天垂四野青開門秋雨霽閑步郭西亭

竟夕雨連舍今朝雲出溪輕雷千嶂外斜日數家西

竟夕雨連舍今朝雲出溪輕雷千嶂外斜日數家西

三

三日不出門草長門前路登樓一水明倚柱千山暮

四

人歸郭門樹鳥噪野田風雨散高城上日落深澗中

五

畫角城隈起風吹響入雲清秋易生感深夜更多聞

六

遙看三角山正在雲生處日暮山中人空攀荔枝樹

七

片片白鷗鳥看人隊隊飛沙頭莫相認與爾久忘機

八

檻倚崩沙出籬通亂水過家人休掃石自愛碧苔多

九

朝聞城西鍾暮望城西寺寺傍二古松長藤垂到地

十

塘邊楊柳樹春條秋未摧已送黃鸝去還看白鷺來

八哥

窻前八哥鳥學語太輕狂何須似鸚鵡自遣羽毛傷

獨坐

獨坐鳴蟲起秋懷已不勝西風窻下度木葉洒寒燈

獨立

獨立對秋陰冥冥望河渚只見沙上烟不見烟中雨

風雨

西郊秋日暮雨細更風斜應為重陽近來催菊著花

長安

白雲望不盡高樓空倚欄中霄鴻鴈過來處是長安

簡趙雪舟乞菊二首

聞道君家菊黃花爛熳開若能移贈我端勝白衣來

二

我有白玉酒君有黃金花相看九日到分送野人家

九月桃梨花

九月桃梨樹花開滿故枝寄言車馬客不是豔陽時

寄劉東之憲副二首

百里山河外孤城雨雪中遷鶯猶未起應是待春風

二

長安經歲別日日望春歸不及隨陽鳥雙雙又北飛

寄孫世其四首

騾裹如龍馬長鳴碧草萋莫將千里志暫悔蹶霜蹄

二

對書當為讀對食當為飽平生無限事努力在遠道

戴生北上日吾吟寶劍篇相過若相見高詠亦堪傳

四

旅食京華暮那能不憶家封書何日至塞鴈一行斜

白雪曲十首

美人朝玩雪置酒臨高臺祗疑仲春月風送落花來

二

舞雪流中堂揮袖拂不去細看簷外花半著庭中樹

三

暗逐梁塵起潛隨燭影流似憐歌舞處故故入高樓

四

弱雪不到地宛轉高雲裏時有飛花落風迴更吹起

五

梅花開雪中相看鬪奇絕常教雪似花莫遣花成雪

六

裊裊胷城烟皚皚積暮天六花呈此日三白兆新年

七

艷曲燈前轉輕盃掌上揮開簾炫積素當戶挹流輝

八

駿馬黃金鑣胡鷹赤錦絛風搏千里翻雪點五花毛

九

公子狐白裘馳馬城東陌不見馬行影但見雪花白

十

簾幃照明雪美人起常早行看玉階上一夜長瑤草

出寺

春遊翠微裏晚下白蓮臺立馬遙回首青山暮雨來

璽上人送茶

鬱鬱雲中秀山僧採相饋我有毒熱腸此是清涼味

雨雪歌

千巖雲雷烈萬室風霆翻中宵雨撼壁平明雪滿山

小景四首

樓閣倚江濱桃花照暮春春安知看花者不是武陵人

二

草閣散晴烟柴門竹樹邊門前有江水常過打魚船

三

照日楓林赤含風菊蕊黃家家白酒熟何處過重陽

四

遠岸凍雲落高林寒日斜前村昨夜雪聞說有梅花

寄李獻吉二首

君作梁園客予登楚水臺春風河上柳不寄一枝來

渭水天邊樹黃河日暮流春來千里外知爾故鄉愁

題畫

翠壁層層合高松颯颯寒白雲晝不掃常滿石闌干
空屋見桃花

山桃空屋裡轉徙未還家獨有春風到猶開滿院花

聞蟬

二月寒蟬至哀鳴亂葉中林花滿眼發蕭颯似秋風

登樓

獨坐高樓上看花淚暗流東風無限好日暮使人愁

邀劉文直不至

劉郎招不至嗜酒世間稀爾是劉伶後何妨荷鍾歸

席上分得時字送豫齋二首

以下京集

澤國登樓處江舡見月時回書寄來使多是客中詩

二

花影晚離離迢迢動遠思清宵不成寐山雨到牕時

雙梧草堂二首

君愛堂前樹差栽碧幹雙相思秋月下楓子落雲窻

二

記得別草堂采采桐始華銀床飄一葉秋到美人家

扇面小景

山色碧於苔晴窻日日開遙知抱琴者應為看山來
題畫二首

二
縹緲春山雲離離春江樹君看江上山不是人間世

古洞入青冥山通武陵渡漁郎莫放舟恐失花間路
飲鮑以忠

萬戶夾垂楊君家大道傍相逢一尊酒何惜醉他鄉
謝泰公饋杏

饋我高林杏開函爛如火安得祗樹園從公問真果

送泰公茶

英英白雲華采采六山秀為問病維摩此味清凉否
晚出左掖簡薛君采二首

玉河迴宛轉丹闕對嶙峋出入雲霄上蹉跎江海身

二

露重芙蓉館雲輕翡翠城文園病司馬消渴望金莖
清明二首

城南好花樹不作看花行恰好人來日春風不放晴

二

何限新桃李春來樹樹花不爭風雨惡無柰委泥沙

秋日簡川甫

紅葉翻霜晝青苔積暮天若無桓子過誰問子雲玄

谷施生二首

二泉門下士海內早知名通家一書札萬里各含情

二

日射江門動龍蟠海霧生排空有羽翼不上九天行

至日谷良伯

天邊登北樓歲暮望南國江梅與塞柳莫問春消息

十六夜賞月野塘宅

今夕非昨夕清光依舊多後庭闌月燕窈窕轉春歌

鳳縣秦集

畢郢藏龍地南岐集鳳岡嘉陵江水色萬古向西康

六言律詩二首

上元葉邦重別墅歸家集

昏鍾野寺到郭晚飯人家出村斜日山顛水曲東風
萬戶千門星河渡口深夜燈火城中上元猶似去年
今夕不堪烟景銷魂

蓋屋清明日秦集

客裏遙逢令節城中不見繁華南山漠漠烟遠清渭
迢迢日斜獨樹桃花自發高樓燕子誰家可惜年年

春色催人白髮天涯

六言絕句六首

贈賈司教先生

以下家集

春風桃李絳帳朝日首
蒼空盤王公不志溫飽
鄭老豈為飢寒

一賤一貴世態有憂有樂
人情應鱸關西夫子知魚
濠上先生

江南思四首寄曹毅之

以下京集

燈下雨鳴秋舫浦口潮
迴暮鍾何處相思不見
江南開遍芙蓉

月冷荒祠苦竹秋清玉殿
蒼苔一望雲帆無際沙明
白鳥飛來

細雨寒城催棹夕陽孤嶼
鳴鐘到寺莫題蕉葉渡江
為採芙蓉

竹淨娟嬋帶月山寒杳窅
沉暉天邊晚樹獨眺江上
春潮客歸

七言絕句五十一首

王菴

為黔國賦
以下使集

虛閣清風竟日留白雲暗
對小牕幽我題名字琅玕
上珍重霜標柰得秋

遊黔國魚池四首

小岸城邊上輕舸一溪宛轉向魚池水藤濛濛荷葉
暗棹入中流總不知

池邊二十五亭臺箇箇朱窓向水開亭下扁舟蕩雙
槳打魚送酒幾回來

半竿斜日踈蒲明兩岸人語鳧不驚菱葉拂衣香袖
舉秋風吹浪綵舟輕

三陣五陣打荷雨一點兩點照水螢笙歌留客不知
夜燈火迴舟直到城

夷陵

夷陵城邊江水渾無數輕帆落遠津萬水雲中三峽
路猿聲愁殺渡江人

溪上水新至漫興四首

以下家集

溪上水生三尺深茅堂清夏氣蕭森無錢即買扁舟
至繫向門前柳樹陰

雙飛鷓鷯戀青莎對舞蜻蜓愛碧波一夕水風開齒
菖畫舫齊唱採蓮歌

齒菖風前花不稀菖蒲雨後葉初肥黃鸝白鷺知人
意來往鷓鷯洲上飛

碧沙青泥俱可憐白鯁赤鯉不論錢莫嘆鄰翁生計

拙買舡沽酒過年年

秋日雜興十五首

寒螿啼斷槿園空萬樹凋傷八月中只有南山蒼桂
在一株花發向秋風

雨花風葉摠堪憐海燕江鴻各渺然莫向高樓空悵
望暮蟬多在夕陽邊

野亭千橘未全黃青柿紅梨俱待霜南鄰老翁種橡
栗已見兒童收滿床

紫蔓青藤各一叢野人籬落管西風郊扉遠絕誰能
到秋日蟲鳴豆葉中

道上高墳古鬱林夕園空鎖碧藤陰人言啼鳥多情
思却為誰家作好音

急杵繁砧一郡秋西風落月萬家樓不知塞下征人
怨但見閨中少婦愁

八月飄零九月來天時人事太相催千紅萬紫都看
過只有黃花與白梅

荻岸秋清似畫圖風高沙雁起相呼何如莫去瀟湘
上借爾烟波畫引雛

釣臺臺下澗水清釣臺臺上秋草生當年誰是持綸
者賢隱山高萬古情

溪上茅齋楓樹林渚雲沙日共陰陰連朝不遣家童
掃紅葉蒼苔一尺深

柏林楓岸迥宜看楊柳芙蓉不柰寒最愛高樓好明
月莫教長笛倚闌干

斜日村原秋水多家家門巷好經過繁絃急管休相
聒田父山妻自解歌

蒼鳧携子戲波瀾懶惰輕鷗不下灘白鷺照影秋塘
裏似爾心情亦太安

鱖鱖鯉魚三尺身纖鱗照水白如銀未須更論成龍
勢只在溪中亦有神

竹靜沙寒野日低門前秋草不成蹊山禽汝亦何多
事來向棠梨樹上啼

鷄鳴曲三首

鷄鳴城中滿樹霜青樓旭日照流黃鳴箏錦瑟秋塵
裏玉鴈金蟬共一行

青樓遙臨大道衢美人鷄鳴著繡襦誰家公子過樓
下那不繫爾千金駒

樓上羅幃映早霞不須重闔鏡中華春蘭秋菊皆零
落爭似菖蒲不作花

喜戴仲鶡得鄉薦二首

梁園宋苑却宜秋
夾道槐花照綺樓
試問東瀛海邊
住何如
金明池上遊
馬上秋風得意歸
丈夫豈是愛輕肥
傍人休訝新年
少曾向長安作布衣

慰任宏器諸友失第二首

莫將遲暮怨飛蓬
萬事還須問塞翁
黃鵠但教毛羽
在不妨失意下秋風
青雲白髮太難平
去鴈來鴻亦世情
我亦少時曾得
意十年回首是浮名

黑龍潭

白雨遙從白日来
黑雲低映黑龍臺
空思玉鯉臨淵
嘆未掣金鰲跨海回

過先墓

愁摧斷柳柳還稀
淚灑殘花花更飛
一寸未忘遊子
線萬年難覓老萊衣

野屋

野屋雙飛燕子低
短簷千尺柳條齊
桃花片片紅臨
水小麥纖纖青映泥

三閭大夫不願醉
五柳先生不願醒
一醒一醉緣何

三閭大夫不願醉
五柳先生不願醒
一醒一醉緣何

事坐對寒花烟滿庭
菊過重陽開更繁
城中車馬未曾看
種來本是山家物
白露青霜共暮寒

檻畔輝輝纖月斜
幽香獨立殿年華
多情似與詩人約
一夜還開四五花

露委烟斜更有情
黃花紫萼太分明
只教秋色常為主
莫遣西風怨落英

葡萄二首

晴闌裊裊風鬢動
暑架垂垂露乳寒
却憶高樓清夏日
美人常對水晶盤

漢家葡萄出西域
斗酒曾博涼州戍
當日誰知使者勞
至今人種葡萄樹

簡賈司教二首

郭西茅屋帶峰巒
竹徑花闌亦可看
騎馬自來還自去
無人知是廣文官

古壇雙樹挺秋烟
廢院殘花照暮天
門外掃除無俗客
我來時復伴青氊

吾郡古要害地也
閑居興懷追詠古跡作詩

八首

西來一道是淮源
南向千峰盡楚山
風雲尚擁蛟龍

窟天地曾開虎豹關
寂寂孤城申伯臺
廢園遺沼盡堪哀
繁華惟見東流去
歌舞空傳此地來
南山西嶺自天來
翠壁丹崖映日開
不見當時卧龍者
只今惟有釣魚臺
仙人昔迓上清家
留下仙壇號紫霞
世人不識蓬萊樹
道士空餐松柏花
郡西山畔舊禪宮
朝暮風烟多不同
已見樓臺翠微裏
更聞鍾鼓白雲中
震雷山頭石潭水
夜夜蛟龍行雨歸
青春下與滄溟

會白日常聞霹靂飛
楚關申戍鬱茫茫
野草春沙更斷腸
山頭僧住何年
峇山下人耕古戰場
故謝城邊溪水流
郢中風物更堪愁
行人欲問陽春曲
此地猶傳白雪樓

何大復先生集卷之二十八

何大復先生集卷之二十九

友人夜宿

相逢猶憶十年前

青草書堂溪水邊

四海交遊今殆

半幾人風雨對牀眠

題馮太京畫蘭

雨葉風花獨柰寒

圍春不借曲闌干

國香空谷無人

何大復先生集卷之二十九

七言絕句九十七首

別相餞諸友

雙井山邊送客時

滿林風雪倍相思

西行萬里遙回

首太華終南落日遲

友人夜宿

相逢猶憶十年前

青草書堂溪水邊

四海交遊今殆

半幾人風雨對牀眠

題馮太京畫蘭

雨葉風花獨柰寒



見映玉輝金畫裏看

適堅山寺

誰謂高僧不可逢
出城西望有雲松
騎驢不畏青泥坂
拄杖遙尋碧玉峰

雨中看花七首

溪上雨色晚來頻
枝頭花朵太禁春
滿林燉爛誰覺汝
一樹分明獨惱人

連朝風急雨滂沱
樹頭葉暗花不多
縱使明朝風雨息
蒼苔狼藉柰愁何

昨朝日照花盡開
今朝雨多花可哀
由來落花無根

蒂隨風吹去又吹來

正月已放山丹花
二月桃杏似雲霞
城中少年紫騮

馬日暮來尋碧玉家

郭外春風次第來
杏花開後桃花開
近城早花開已謝
狂風猛雨更相催

紅花紫藥千萬枝
日夜雨打更風吹
牡丹芍藥莫太驟
暖日晴烟開不遲

牡丹雖遲是花王
芍藥留之殿春光
好花元待後時發
穠李妖桃空自狂

賈西谷邀飲山寺朝信不至詩以促之

廣文邀客寺亭幽此是春山第二遊立馬望君君不
到不知城市為誰留

任洪器草亭四首

蔀簷當午溪雲度花重寒枝閣曉庭芳草閉門春寂
寂東風吹雨半池青

薔薇深院無行跡風到閑門掃綠苔明月滿庭香襲
襲野塘新水藕花開

繞屋南山秋色靜數枝寒菊一籬烟酒醒讀罷秋聲
賦風落松梢響石泉

門外水流雲自起雪峰半出草堂西孤舟欲作山陰

夢月冷梅寒共一溪

岳豫之小畫四首

溪上水生茅屋涼溪邊風急樹顛狂山中車馬何曾
到祇有雲松盡日蒼

碧江樓閣夕陽邊萬壑千峰生暮烟江上長松一千
尺月明常繫打魚舡

百尺孤城對碧山層層樓觀倚雲間水明沙白風濤
靜更有何人到此關

樹下茅齋當畫清江邊寺閣倚新晴蒼苔石徑無人
到獨有幽人江上行

元夕懷都下之遊五首

憶昨長安元夕來五侯絃管上樓臺已見炬如千樹
列更看燈似百花開

龍岫層城接御溝香車寶勒夜深遊花坊競買千金
帶綺陌皆懸五色毬

夾路香塵夜不開萬人爭道看燈來金波宛轉千門
裏銀漢逶迤一道迴

紫禁煙花一萬層鼇山雲裏見峻嶒繁星散作宮中
炬明月來為殿上燈

白馬金珂上苑東六街歌舞散香風豪遊已作三年

夢愁對春燈此夜紅

題潘秀才吹笛畫扇

幽人橫吹滄江靜滿江月白青山映好作穿雲裂石
聲夜長恐有蛟龍聽

寄岳陽龐推官四首

君因謫宦留南郡予亦罷官歸故鄉同是鳳凰池上
客江湖千里轉堪傷

洞庭湖邊花柳新岳陽樓上更逢春閒來載酒題詩
去還似當時賈舍人

唐賈至謫巴陵

三載江城佐郡郎十年天上舊鷓行曾持畫省郎官

筆况著瑶墀近侍裳
平天土畫城
湖水春來不見沙
九疑南望是天涯
軒轅臺上清風
樹湘女祠邊日暮花

閨情 以下京集

秋風嫋嫋生羅衣
美人夜泣紅燭微
郎騎白馬臨邛
去樓上年年燕子歸

晚至昌平寺中

度盡青溪十里霜
寒蕪落日下蒼茫
山城薄酒無錢
買晚飯僧家石耳香

雪中漫興

長安雪花亂如雲
複道層城望不分行
客遙傳五侯
宅畫樓絲管畫紛紛

寫情

莫將錦瑟怨年華
柳絮飄零夢謝家
小院迴廊鎮春
晝何人來為掃庭花

送鄉人還

楊柳花飛蕪草青
故鄉南望幾長亭
城邊客散重回
首愁見孤鴻落晚汀

聞歌

明月暫隨秦弄玉
碧空遙度楚行雲
莫言此曲終堪

聽孔雀東南各自分
諸將入朝歌十二首

北掃燕齊南楚吳
天子戎衣受虜俘

大將龍旗朝帝京
至尊親遣貴臣迎

嫖姚部戰馬皆歸
群公陪宴柏梁臺

河濟江淮血不流
上使者樓舫泛海迴

河北諸軍盡有名
出 不見長安子弟兵

王佩金貂列上勲
度滿城金鼓日邊聞

天下山河首洛中
像士卒休論汗馬功

龍虎金陵擁帝居
波力滄海鯨鯢作金魚

闕下千官侍鳳樓
天子建龍旂豹房

班賞武帳前邊賜
天子建龍旂豹房虎圈先

戰士歸來皆武冠紫纓騮馬跨金鞍可憐萬國城頭
月照見沙場白骨寒

少年生長在邊城介冑南征蟻虱生馬上朝來橫吹
曲梅花一半是吳聲

杲杲扶桑朝日升東瞻碣石海波澄正德七年誅叛
賊大明八葉觀中興

樊駙馬府中宴

主家行酒雙玉杯上客不醉歌頻催秦女簫中明月
度鳳凰樓上彩雲迴

閣內杏花

東掖杏花開不遲日邊春色獨先知未薦玉盤千歲
實空看一作蟠仙閣五雲枝

孫太史宅贈呂揮使二首

壯士承恩天上還黃雲白雪暗西山破虜未傳青海
曲封侯須到玉門關
白馬駢弓出薊門相逢意氣倒金尊功勳要識將軍
呂文字先看太史孫

贈薛君采二首

五花似玉麒麟骨八尺如龍驥褭身千金臺上求非
易萬馬群中認未真

爾夢仙人海上行
蓬萊清淺不勝情
金門再見東方朔
咲指蟠桃花更生

送韓汝慶還關中二首

六月西山雷雨低
長安城中十日泥
君騎鴻鵠冥冥去
此地愁看燕雀棲

華岳雲臺萬里情
高秋落日眺秦城
黃河一線通滄海
身在仙人掌上行

燕京十六夜曲四首

御河橋畔千尺臺
燕京女兒踏歌來
臺上歌鍾自夕起
橋頭酒壚深夜開

萬歲山頭鎖玉樓
十王館中人不遊
中宵金鼓雲間動
翠輦龍衣過五侯

九衢車馬似山河
萬金買燈不道多
已留華月照歌舞
更放香風吹綺羅

月高罷遊關九關
暗塵吹污香霧鬢
誰家少年亦太惡
拾着金鈿不肯還

苦熱行十首

六月十一日苦熱
奪伏爭秋番太強
燕京何限好樓閣
袒走狂呼無地涼

日午放朝車馬頻
中天風火促飈輪
侯宮戚館冰山

冷赤日黃埃渴殺人
宮裏傳冰賜從官
含霜弄雪白雲寒
銀牀晝鎖瑠璃井
玉殿陰沉瑪瑙盤
午門朝罷午時過
千官萬馬汗成河
莫道宮中愛長晝
長晝宮中樂事多

西山松柏千丈臺
陰崖脚踏層冰開
巖樓洞閣生霜雪
觸熱衝炎誰為來

長安萬家懸甌裏
風捲塵沙當晝起
五侯堂上冰成山
朝見成山暮成水

城西山峻火雲峰
丹梯無路躡芙蓉
白石寺前堪避

暑昨朝雷拔殿壇松

赤地驕陽草不生
河潭霹靂懶龍驚
彎弓后羿非夸父
莫放青天十日行

晝夜蚊蠅飛滿天
穿牕撲帳攪人眠
乘炎趨熱雖吾畏
露打霜飄不汝憐

胡馬炎天動萬群
昨傳遼水殺將軍
王師六月殲獯
豕兵氣遙蒸瀚海雲

內閣荷花二首

誰送仙葩此地栽
綵雲飛掌對蓬萊
雕闌玉檻圍花發
不放金盤十丈開

風吹菡萏並頭開
水照金魚隊隊回
映日跳波珠易碎
接雲步障錦成堆

送鞏丞之金壇因訊養和

鞏丞若問金壇宰
為見風流御史才
到日琴堂定無事
松廳竹檻對江開

雨望西山

碧山鳴雨過
嗟峨湖水風增萬丈波
千尺浮圖清暑殿
高窻白石細盤蘿

送王提舉

日出帆高烟水空
嶺雲遙在粵天東
此行不為浮江

興他日須傳煮海功

東岳亭

卜築東岳白石疇
孤亭裊裊出烟江
細分楊柳開風檻
倒影扶桑坐日牕

椒軒

春開軒地引紅椒
錦樹西江望不遙
當戶踈簾看結實
背岡茅屋憶行條

寄少谷山人二首

武夷九曲上仙庭
錦疊青天萬仞屏
下望神人釣鰲石
北風吹霧海冥冥

台嶽中峰綵霧生石梁遙挂赤霞城仙潭尺素傳雲
鯉報爾今尋華頂行

送陳進士還江西

廬山高起讀書臺萬卷少年今日開九派江流何處
入海風吹浪楚帆來

張子近得道士飲麻血術欲試未得吾家有
一鹿欲取血飲張子臨庖哀呼不忍見死乃
作詩遺張子焉

聞食玉脯飲丹血補腦還精身體輕刀几即看哀一
死道人那忍說長生

送甥朝良讀書梅黃山下

聞汝讀書山之中閉門千峰兼萬峰但知高鳳曾飄
麥不論丁生解夢松

宮詞四首

杳杳高城南苑陰苑中日夕翠華臨城邊獵騎分行
逐射得黃熊索賜金

碧草萋萋生御溝垂楊嫋嫋夾朱樓窻臨北斗空中
起水接銀河天上流

燕巢

微霜淒淒金井欄城頭月出凍雲殘玉樓高對蓬萊
雪誰道宮中夜不寒

宮中夕寒花不開金屋沉沉玉殿苔纔見高臺燈火
下更聞前路管絃催

寶鷄縣 以下秦集

鷄鳴山下古陳倉板屋千家清渭傍曲岸迢遙凌秀
麥流渠宛轉入垂楊

漢中歌二首

漢王昔日定三秦壯士東歸意氣新旌旗暗度陳倉
口父老重迎灞水濱

燒棧登壇各有勲謀臣猛將鬱如雲關中自識龍顏
主海內爭看縞素軍

終南篇

離宮別館舊京華表裏關河屬漢家二閣天圍青錦
障五臺雲湧石蓮花

四圖詩贈何燕泉四首

卧遊亭在古椿園萬里輶車出塞垣天馬一從隨漢
使星槎誰復到河源

河南河北望行塵露冕褰帷拜野人嵩少風雲千里
色覃懷花柳萬家春

右藩省旬宣

當朝太僕世稱賢在駟常歌魯頌篇天上驪驪惟一
骨苑中駉牝實三千

右大卿考牧

西域百年通貢篚中丞萬里建旌旄坐掃蠻山開瘴
癘永令滇海息波濤常每會於右都憲巡撫

扶桑日射南山觀揚柳春回北斗城萬里冠裳遙望
闕九霄車駕喜還京亦都六奉外

誰開素練寫烟梢欲采琅玕奏玉簫猶憶鳳凰池閣
上坐聽風雨下層霄

米元章拜石圖

節比巖巖志比堅冠裳下拜也堪憐此意世人誰解

識至今空羨米家顛

何大復先生集卷之二十九

西

